



Ўзбекистон Республикаси номидан
ҲАЛ ҚИЛУВ ҚАРОРИ

2023 йил 07 февраль Иштихон шаҳри 4-1403-2301/41-сонли иш

Иштихон туманлараро иқтисодий суди судьяси Н.М.Умаровнинг раислигида, судья ёрдамчиси Ш.Рахмоновнинг суд мажлиси котиблигида, аризачи Иштихон тумани давлат солиқ инспекциясининг, жавобгар «MINI BEST» МЧЖнинг банклардаги ҳисобварақлари бўйича операцияларни тўхтатиб туриш тўғрисида киритган аризаси бўйича қўзғатилган иқтисодий ишни, Иштихон туманлараро иқтисодий судининг биносида очиқ суд мажлисида, Иштихон тумани давлат солиқ инспекцияси вакили Ш.Рахматов (2022 йил 07 июль кунги 20/1-04521-сонли ишончнома асосида) иштирокида кўриб чиқиб, қуйидагиларни,-

АНИҚЛАДИ:

Аризачи Иштихон тумани давлат солиқ инспекцияси Иштихон туманлараро иқтисодий судига ариза билан мурожаат қилиб, жавобгар «MINI BEST» МЧЖнинг банклардаги ҳисобварақлари бўйича операцияларни тўхтатиб туришни сўраган.

Аризада баён қилинишича, жавобгар томонидан солиқ тўловчи томонидан солиқ органининг камерал солиқ текшируви натижалари бўйича талабномасига тушунтиришлар ва (ёки) тузатишлар белгиланган муддатда тақдим этилмаганлиги, шунингдек солиқ тўловчи томонидан солиқ органи талаб қилган ҳужжатлар тақдим этилмаганлиги боис жавобгарни банклардаги ҳисобварақлари бўйича операцияларни тўхтатиб туришни сўраган.

Суд мажлисида иштирок этган даъвогар вакили судга тушунтириш бериб, солиқ тўловчи томонидан солиқ органининг камерал солиқ текшируви натижалари бўйича талабномасига тушунтиришлар ва (ёки) тузатишлар белгиланган муддатда тақдим этилмаганлигини, шунингдек солиқ тўловчи томонидан солиқ органи талаб қилган ҳужжатлар тақдим этилмаганлиги маълум қилди, буни тасдиқловчи ҳужжатларни судга тақдим этди.

Белгиланган тартибда суд иш муҳокамаси кунидан хабардор қилинган жавобгар суд мажлисига келмади ва ўз ишончли вакили иштирокини ҳам таъминламади.

Ўзбекистон Республикаси Иқтисодий процессуал кодексининг 170-моддасига кўра, Ишда иштирок этувчи шахсларга суд даъво аризаси юзасидан тақдим этишни таклиф қилган ёзма фикр ёки қўшимча далиллар тақдим этилмаганлиги ишни мавжуд материаллар бўйича кўришга тўсқинлик қилмайди.

Иш муҳокамасининг вақти ва жойи тўғрисида тегишли тарзда хабардор қилинган даъвогар суд мажлисига келмаса, даъвогарнинг ишни унинг



йўқлигида кўриш тўғрисидаги аризаси бўлган тақдирда, низо унинг йўқлигида ҳал қилиниши мумкин.

Иш муҳокамасининг вақти ва жойи тўғрисида тегишли тарзда хабардор қилинган жавобгар, учинчи шахслар суд мажлисига келмаса, низо уларнинг йўқлигида ҳал қилиниши мумкин.

Мазкур ҳолатда суд, иш муҳокамасини жавобгар иштирокисиз кўриб чиқишни лозим топди.

Ишдаги ҳужжатлардан ва суд жараёнида аниқланган ҳолатлардан маълум бўлишича, жавобгар томонидан солиқ органининг камерал солиқ текшируви натижалари бўйича талабномасига тушунтиришлар ва (ёки) тузатишлар белгиланган муддатда тақдим этилмаган, шунингдек солиқ тўловчи томонидан солиқ органи талаб қилган ҳужжатлар тақдим этилмаган, жавобгарга банкдаги ҳисобварақлари бўйича операцияларни тўхтатиб турилиши тўғрисида жавобгарнинг электрон шахсий кабинетига электрон шаклда сабаблари кўрсатган ҳолда 2022 йил 08 июль куни хабарнома юборилганлиги, аммо жавобгар томонидан ҳужжатлар тақдим этилмагани маълум бўлди.

Ўзбекистон Республикаси Солиқ кодексининг 111-моддасига кўра, Солиқ тўловчининг (солиқ агентининг) банкдаги ҳисобварақлари бўйича операцияларни тўхтатиб туриш тўғрисидаги қарор солиқ органининг раҳбари (раҳбар ўринбосари) томонидан ўн кундан кўп бўлмаган муддатга қабул қилиниши мумкин. Солиқ тўловчининг (солиқ агентининг) банкдаги ҳисобварақлари бўйича операцияларни ўн кундан кўп муддатга тўхтатиб туриш тўғрисидаги қарор солиқ органининг илтимосномасига асосан суд томонидан қабул қилиниши мумкин. Бунда солиқ тўловчининг (солиқ агентининг) банк ҳисобварақлари бўйича операциялари суд томонидан қарор қабул қилингунга қадар тўхтатиб турилади.

Солиқ тўловчининг (солиқ агентининг) банкдаги ҳисобварақлари бўйича операцияларни тўхтатиб туриш тўғрисида қарор электрон шаклда солиқ органи томонидан банкка юборилади. Бир вақтнинг ўзида солиқ органи томонидан солиқ тўловчининг шахсий кабинетига унинг банкдаги ҳисобварақлари бўйича операциялар тўхтатиб турилиши тўғрисида хабарнома бунинг сабабларини кўрсатган ҳолда юборилади.

Юридик шахслар ва яқка тартибдаги тадбиркорларнинг банкдаги ҳисобварақлари бўйича операцияларни тўхтатиб туриш солиқ органи томонидан мазкур солиқ тўловчиларнинг (солиқ агентларининг) солиқ мажбуриятлари бажарилишини таъминлаш учун қуйидаги ҳолларда қўлланилиши мумкин:

2) солиқ тўловчи (солиқ агенти) томонидан солиқ органининг камерал солиқ текшируви натижалари бўйича талабномасига тушунтиришлар ва (ёки) тузатишлар белгиланган муддатда тақдим этилмаганда, шунингдек солиқ тўловчи томонидан солиқ органи талаб қилган ҳужжатлар тақдим этилмаганда.

Иштихон тумани давлат солиқ инспекциясининг 2022 йил 8 июль кунги қарори билан, жавобгар «MINI BEST» МЧЖнинг ҳисобварақлари 10(ўн) кун муддатга тўхтатиб турилган.



Аризачи томонидан судга 2023 йил 07 февраль кунги 20/1-01617-сонли маълумотномаси тақдим этилган бўлиб, унда «MINI BEST» МЧЖ томонидан бугунги кунга қадар камчиликлар бартараф этилмаганлиги билдирилган.

Ўзбекистон Республикасининг “Давлат божи тўғрисида”ги қонуннинг 9-моддаси биринчи қисмининг 19-бандига кўра, аризачи ва жавобгар — ҳуқуқий таъсир чораларини қўллаш тўғрисидаги ишлар бўйича иқтисодий судларда давлат божи тўлашдан озод қилинган.

Бундай ҳолатда, суд иш ҳужжатларини текшириб чиқиб, даъвогар вакилининг кўрсатмасини тинглаб, даъво аризасини қаноатлантиришни, жавобгар «MINI BEST» МЧЖнинг банклардаги ҳисобварақлари бўйича операцияларни тўхтатиб туришни, жавобгардан давлат божини ундирмасликни лозим деб топди.

Юқоридагиларга кўра, Ўзбекистон Республикаси Солиқ кодексининг 111-моддаси ва Иқтисодий процессуал кодексининг 170, 118, 176-179,186-моддаларига асосланиб, суд

Қ А Р О Р К И Л Д И:

Аризачи Иштихон тумани давлат солиқ инспекциясининг жавобгар «MINI BEST» МЧЖга нисбатан берган аризаси қаноатлантирилсин.

Жавобгар «MINI BEST» МЧЖнинг банклардаги ҳисобварақлари бўйича операциялар (фуқаролик қонунчилигига мувофиқ биринчи навбатда кўрсатилган тўловларга, шунингдек қонунчиликка мувофиқ ундирувга йўл қўйилмайдиган банклардаги ҳисобварақлар мустасно) аризада кўрсатилган ёхуд солиқ органининг камерал солиқ текшируви натижалари бўйича талабномасига тушунтиришлар ва (ёки) тузатишлар, шунингдек солиқ органи талаб қилган ҳужжатлар давлат солиқ ҳизмати оғанларига тақдим этилгунга қадар тўхтатилсин.

Жавобгар «MINI BEST» МЧЖга хизмат кўрсатувчи барча банклар ҳисоб рақамлар бўйича операцияларни тўхтатиб тўришга сабаб бўлган ҳолатлар жавобгар томонидан тўлиқ бартараф этилгандан сўнг, давлат солиқ органи томонидан тақдим этиладиган ёзма кўрсатмаси (қарори) асосида ҳисобварақлар бўйича операциялар тиклансин.

Ҳал қилув қароридан норози томонлар ўн кун муддат ичида Иштихон туманлараро иқтисодий суди орқали Самарқанд вилоят судига апелляция тартибида шикоят беришга ҳақли.

Судья

Н.М.Умаров

